

مدیری : ابن السری
احمد جودت

مؤسسی : ابن السری
مصطفی نامق

آسیان

ادبی ، علمی ، سیاسی ، اجتماعی ، فنی ، اخلاقی هفته لق مجموعه در .

پنجشنبه

ایکینچی جلد

نومرو ۲۴

برنجی سنه

۳ صفر ۱۳۲۷

۱۲ شباط ۱۳۲۴

مندرجات

ودنوس م . بهجت	ماضی و آتی سعید حکمت
نشیده مصطفی نامق	اونوتمالی م جناب شهاب الدین
عثمانلی دمیریوللری محمد امین	اوکی آنا حسین سعاد
تربیه اجتماعی حسن فرهاد	قاتول مندهس تحسین ناهید
اولومدن صوکرده خلیل	تمائیل ابدیه سلیمان بحری


استانبول

محل اداره سی : جفال اوغلنده اداره مخصوصه

جفال اوغلنده ایاصوفیه جاده سنده : « مطبعه خیره و شرکات »

۱۳۲۴





جامی موضوعلر

تربیه اجتماعی

آرتق ثابت برحقیتدرکه انسانلر هرکون یکی براحتیاج قارشوسنده بوانیور. ایلک فجر حیاتک ایتسامندن زمانمزه قدر بواحتیاج بررنکه کیرمش، بشریت مدید برشقه تحسرله هرزمان بواحتیاجلر پیشنده قوشمش فقط دفع احتیاج ایدیورم دیر ان یکی احتیاجلر اخراج ایتش، حس ایتهدن احتیاجی اختراعله قارشولامشدر. اوت! اختراعتک الیبوک، الکفأدهلی سائق احتیاجدر. احتیاج اختراعله توأمدر: احتیاج اختراعسوق ایدر اختراع احتیاج صورتنده تجلی ایدر.

نفسنجه لزومنی تقدیر لازمی استحصال ایده بیلجهکنه قانع اولان انسانلری احتیاج دکلکی که یکدیگرینه تقریب ایتش، حیات اجتماعی اساسلرینی قورمشدر. آرتق نفسنی دکل بربرینی اداره ایتکه آلمان، مختلف عنوانلرله منفرد محیطلرده یشایان انسانلر اشتراك مساعی، توحید آمال، یکرئکی تفکر سایه سنده انسانیتی اعلا ایتشلر، فضائل اشخاصی فضیلت اجتماعی صورتنه تمثله چالیشمشلردر. ایشته تاریخک سلسله شئون وقوعاتی! ایشته بشریتک مدارج تکاملی! هیمز بیایرز حیات اجتماعی، حیات ضروریه وطبیعیه در. فقط صفحات گذشته ملل تابع اولنورسه کورلیر که بو حیات ده بر تکامل تدریجی تعقیب ایتش، مکملیت حاضرینی بواقی ایچون تاریخک غافللهلی صائفنده ایجه مهم ایزلر براقشدر. احتمالکه استقبالنک ده متین رامعانی کوزلری زمانمزه برعدسه استخفاف ایله باقه جق، وغرور منی کوردک بزه آجیه جقدر.

ایشته بوصفحات تکمیل فارقه سی تربیه اجتماعی در. تربیه اجتماعی، هویتک، شخصیت مغویه نک دکل اشخاصکدر. فقط هپ اورایه معطوف، هپ اورایه مضافدر: بر فرانسه آدیمی فرانسر آدیملر یله دائماً متوازندر. فرانسه

کولرسه فرانسىز قابىلرندە متلاطم امواج سرورله كولر. اغلارسه اورايه دوشن نظرات يأسه ، اوراده قوبان فورتهلره ، اوراده ايكلين نوحات متظلمانه يه ترجان اوليورمديه اغلار .

اوت ! حيات اجتماعيه ؛ حيات منفردة اشخاصك تجلكاهيدر. اوحيات ، عناصر متركبه ديمك اولان افرادده كي ميل تكامل ، نزاوت حس ومقنات تفكرله تعالى ايدر ، قوت بولور . اكر افراد مجلوب سفالت ومسكنتسه اوحياتده سفيلى ومسكين اولور . دينه بيليركه حيات اجتماعيه نك رنكي ؛ عناصر متركبه نك تقدير قيمتي ، تعيين لياقتي ايچون اك جلي بررهاندر. متعالى برماتك تربيه اجتماعيه سي ؛ حيات اجتماعيه نك طاق مفاخريدر .

بو قدر مهم وروحلى اولان تربيه اجتماعيه يي اصل تحصيل واتشميل ايتلى . ظن ايدهرمه كه تربيه اجتماعيه ، تربيه مفكره ، تربيه دماغ ديكدر . چونكه آرتق عالم حيات ، عالم تفكردر . اي شامق ايچون اي دوشونك ، اي حل ايتك لازمدر . مانلرده دين حالدهدر . برماتك دماغى متين ، مفكره سي زنكين ايسه او ، حياته مقاوم اوله بياير . دوشوناميهن ، دويهيهن برمات هر زمان زواله ، موته محكومدر . ديك اك اي تربيه اجتماعيه يه ماك اولان ملت اك حقيقي دوشونن ، لك درغرى اكلايان متدر . شوخالده نجات تكاملى مكته بلرده ، آنك ميني ميني مداوملرندە ، حاله وارث اوله جق استقبال قهرمانلرندە ، كنجلرده آراماييز. او كنجلر كه ، سرمايه ادراكاري اوميرائك حسن استعمالى يولنده قوللانيرلر ، دماغلري برماته عائد سعادتك استكمالى ايچون ازيرلر ، قىلبري اوسعادتك تاثير خطوظيله تتردر . حالى ، بر فرداي تكامل بسالديكي ايچون سورلر . ماضى يه حالى يتشدرديكي ايچون پرستش ايدرلر . استقباله بر مزرعه تعالى ديه طاپارلر .

حيات شىبانى ؛ نزيه ومتفكر اوله رق يتشديزن ملت سعادتندن امين اوله بيلير . چونكه كنج دماغلر ، كنج قابىلر آتريك محورى ، تربيه اجتماعيه نك ناظمدر . آرتق قوى بازولرك كوره مديكنى متين دماغلر كورييور . ايشته آلمانيا !

اوحیات متفکره شباب دگلی که اوتوزسنه ایچنده تیایست ده کی یشیل اورتولی ماصه یی ورسایل سراینه نقل ایتشدرد . هم نصل ؟ اوماصه آرتق پروسیا انقاضی نشیر ایتیور . قوجه ایپراطورلک اساسی قوریور ، محشم بر اتحادیه متین زمینلر حاضرلایور . محیط غاغله دارنده مغلوب پروسیانک شهاقات یأس ونومیدایی یرینه غالب ، بی انصاف بیسمارقک آوازده استخفافی چیلایوردی . قارشوده متعظم ناپولیون دکل اوچنجی اسیر ناپولیون بولنیوردی .

ایشته ربع عسراق آز برزمان ایچنده سفیل ، محکوم انقراض دنیان پروسیا ملتدن شعشمه لی آلمانیا اتحادینی طوغوران ، بیسمارقک دماشیمیدر ؛ مولکککککک سونکولرییدر ؟ هیچ ، هیچ برایی دکل ! یالکیز اوت یالکیز فیخته نکل ، اوتحمالککککک مساویسیله حیاتی ، پروسیا حیات شبانی جالاندردمه ده بیرمتان محترم ممالکک شوهاق عرفانی ، محشم پروسیا دارالفنونلریدر . اورادن چیقان لوایح عرفان وبلاغت ممالککک هرطرفنده کندینه نافع معکسلر بولدی . اوقدر آز برزمان ایچنده قوجه عالم شبابی ، سراپا جوال برعالم تفکر خانه کتیردی .

بزه کلانجه : هیات که بز بیچاره ملت : اولدیریجی برجهلک ، اریجی براس تبادک کابوس خرابیسی آلتنده ابکم ابکم ایکلیوردق . کنجلرمز تقدیر یرینه ، تزییفلر ، تحقیرلر ، نفیلر کوریوردی . بختسز مات : احتشاممون کاشانه لک هرای محصورنده تتره بن آوازده خنداخندک فاصله لری قایا تمق ایچون چیلایق طوپراق اوستنده وقفه کیر یأس وحرمان اولیور ، قاتیغدن آتردنی بش اون پاردی بویک رنگلی سفیانه آمالک چرح دوارینه قوه محرکه اوله رق براقیوردی . فقط جاهلدی . اکلامیوردی ، اکلایه میوردی . کوندوز لاینتطع کونشک طاقت شکن حرارتی قارشوسنده جین صافی لیمه لیمه قراررکن ؛ اقشام معتکفانه ، کلبه سنک تنهائی قسوت مدارنده بی تاب وتوان ایکلرکن ؛ مختضر بر والدنک ویا زوالی بر طفل سفاکتک کسه سزاککی یوزندن برکون ایشنه کیده مرسه بیلمم اوسنه نکل قاچنجی نامنده کی قاچنجی ویرکوسنی ویا

اوماهبتده کی اعانه سنی آلمق ایچون بوتوقفدن استفاده یه کلن تحصیلدارک فخورانه
ایندردیکی قامچی ضربه لری آلتنده برصیحه شکایت چیقارمغه کئندنده اقتدار
بولزکن ، اوپچاره قلب شکسته - ینه برتسلیت مطلقه ایله - یایدقلمک
جزاسی اوله جق دیه صفحات کذشته حیاتنده برلکه ، کئندن صادر
برمعامله غدر و ظلم آراشدیرر، بوله مینجه ده طالع ناسازینه خزین خزین نکران
اولوردی .

فقط شمالدن اسن صر صر حمیت ، حیاتلری متوالی برر فجاعت اولان
اوقاقسز آدملری لایق اولدینی مقامه ارجاع ایتدی . سمای معزز وطنی قابلایان
سحابه استبدادی چاک چاک ایتدی . آراتق مکتبلره مکتبایلره اهمیت ویریله جک
زمان کلدی . طبیعی بزده ده برچوق فیخته لر بولنور . سویه عرفان مات پک
آز زمانده یوکسایر . وطنک آتی شعشه دارینه نکمپان اوله جق عالم شباب
تکمل ایدر . بزده تربیه اجتماعیه مزى تهذیب ایلر، حیات اجتماعیه مزه رونقلر
ویریز . عالم شباب والذرقیدر . ویقتور هوغونک دیدیکی کبی درسک اوروب
کچدیکمز فقیر شا کرد احتمالکه بیسار قدر .

حسن فرهاد

